

Канон святителю Макарию митрополиту Московскому

Память празднуем 30 декабря (12 января)

Тропарь, глас 4-й

Яко великим пастырем единоправна и учителем вселенныя единомысленна, Божия Премудрости служителя изрядна, иже блаженству тезоимениту, днесь, вернии, вси воспойм: Христа Бога моли, святителю Макарие, умирити мир и спасти души наша.

КАНОН, глас 4-й

Песнь 1

Ирмос: Моря черную пучину невлажными стопами древний пешествовав Израиль, крестообразными Моисеевыми руками Амаликову силу в пустыни победил есть.

Припев: Святителю отче наш Макарие, моли Бога о нас.

Великий Царю, Содетелю всех, очисти благоутробием душу мою и отжени страстей омрачения, да возвеличу, Спасе, угодника Твоего, святителя Макария.

Святителю отче наш Макарие, моли Бога о нас.

Правды Божия взыскуя, измлада Христу последуя, обители преподобного Пафнутия достигл еси, святе Макарие, идеже многая лета во уставе пребыв, житие жестокое и благое вкусил еси.

Слава: Лестницею добродетелей на Небеса возшел еси, тем и Христос тя, святителю, еще на земли суща, в меру возраста приведе и обители Можайския наставника постави.

И ныне: Ниво духовная, якоже из бразды клас, изнесла еси всю тварь Питающего всячески, Приснодево.

Песнь 3

Ирмос: Веселится о Тебе Церковь Твоя, Христэ, зовущи: Ты

моя́ крѣпость, Гóсподи, и прибѣжище, и утверждѣние.

Святителю́ о́тче наш Мака́рие, моли́ Бóга о нас.

Еди́ным по́мыслом к Бóгу устремився, во обителех преподóбных Пафну́тия и Ферапо́нта пребы́л еси́ во вся́цем воздержáнии, отонудуже ко святителству́ Бóгом призванъ быв, Мака́рие досточудне.

Святителю́ о́тче наш Мака́рие, моли́ Бóга о нас.

Святы́я Цѣркве Новаграда́ па́стырь и учите́ль был еси́, храмы украша́я и духо́вною добро́тою лю́ди исполня́я, предѣлы Новаграда́ свѣтом Христо́вы вѣры просвеща́я, блаже́нне о́тче Мака́рие.

Слава: Писа́ния отѣческая возлюбилъ еси́, блаже́нне святителю́, и Цѣрковь Премудрости́ Бóжия священными́ лѣпотами преукрасилъ еси́, возвели́чив ю́ учениемъ богогласнымъ.

И ныне: Мѣртвости и тли избáвися родъ челове́чь, естество́мъ бо Жизнода́вца безсе́менно родила́ еси́, Дѣво́ Всенепоро́чная, во спасѣние восхваля́ющихъ Тя вѣрно.

Гóсподи, поми́луй (трижды).

Седален, глас 1-й

Настáвника иночествующихъ, Пафну́тия преподóбнаго, блажитъ градъ Бóровск, сла́вит Можáйск Ферапо́нта блаже́ннаго, Нóвградъ восхваля́ет Алекса́ндра Сви́рскаго со Ио́ною святителемъ, славосло́вит сла́внейший градъ Москва́ первопресто́льника Ио́ну со ины́ми чудотворцы, ты же от всехъ сихъ вку́пе славосло́вие приѣмлеши, Мака́рие чудне.

Слава, и ныне: Патриáрхъ Иа́ковъ я́сно провидѣв, Спа́се, вели́чия стро́ения Твоего́, вопия́ше дýхомъ ко Иуде́, глаго́ля тайно́: от лѣторасли возше́л еси́, сы́не мой, возвеща́я Тя от Дѣвы́ Бóга.

Песнь 4

Ирмо́с: Любве́ ра́ди, Ще́дре, Твоего́ о́браза на Кресте́ Твое́мъ сталъ еси́, и раста́яшася язы́цы; Ты бо еси́, Человеколю́бче, крѣпость моя́ и хвалѣние.

Святителю отче наш Мака́рие, моли́ Бо́га о нас.

Тро́ицу, Отца́, Сы́на и Свята́го Ду́ха, апо́стольски пропове́дати повелел еси́, непросвещенную лопь и инья се́верныя язы́ки ко Христу́ привел еси́, низверга́я бесовская трéбища, и нас просвети́, святителю, свéтом и́стиннаго познания́.

Святителю отче наш Мака́рие, моли́ Бо́га о нас.

Имя твоё, вели́кия добродéтели ра́ди, всюду пропове́дано бысть, я́ко из са́мыя Святы́я Земли́, иде́же Господь наш плóтию распят бысть, священныя да́ры прияти сподóбился еси́, нам же моли́, отче Мака́рие, Небéснаго Иерусали́ма достíгнути.

Слава: Архипа́стырски трудився, Бо́жиим Прóмыслом преёмник и наследник Моско́вских святителей бы́ти сподóбился еси́, иде́же чу́дными добродéтелями украси́лся еси́.

И ныне: Ада́м свободи́ся, и Ева лику́ет, и вопио́т ду́хом к Тебе́, Богоро́дице: Тобо́ю изба́вихомся перворо́дныя кля́твы, я́вльшуся Христу́.

Песнь 5

Ирмос: Ты, Го́споди, мой Свет, в мир пришёл еси́, Свет Святы́й, обраща́я из мра́чна неведения véрою воспева́ющия Тя.

Святителю отче наш Мака́рие, моли́ Бо́га о нас.

Моско́вскаго престóла украше́ние дивное был еси́, святителю, те́мже и лю́дие вси чу́дна нареко́ша тя, с ни́миже и мы ны́не пра́зднующе па́мь твою́, согла́сно тя велича́ем.

Святителю отче наш Мака́рие, моли́ Бо́га о нас.

Иже добро́те церко́вней поревновáв, вели́кия и дивныя собо́ры созва́л еси́, и́миже но́вым чудотворцем земли́ Росси́йския пра́зднование утвэ́рдися, и та́ко Це́рковь Ру́сская просия́ по́двиги чад свои́х, я́коже пёрлы драгоценными́.

Слава: Всея́ земли́ Ру́сския благоче́стие пости́гл еси́, отче Мака́рие, мучениколю́бче преизрядне, я́ко пчела́, отовсю́ду духо́вное сокрови́ще собра́в, и я́ко же́ртву благоприятную на свéщнице церко́вней возже́гл еси́.

И ныне: Руно́ ороше́нное, Де́во, пла́мень грехо́в мои́х угаси́, Купино́ Неопали́мая, страсте́й мои́х те́рние попали́, подаю́щи ми

на водѣ упокоѣнія жити, и геѣнскаго мя огнѣ свободѣ.

Песнь 6

Ирмос: Пожру́ Ти со гла́сом хвалѣния, Го́споди, Цѣрковь вопиѣт Ти, от бесо́вския кро́ве очи́щися ра́ди ми́лости от ребр Твои́х истѣкшею Кро́вию.

Святителю́ о́тче наш Мака́рие, моли́ Бо́га о нас.

Сим же о́бразом, я́ко святѣи дѣвно просла́вени бы́ша, си́це ре́вносно потща́лся еси́, святителю́, собесѣдник благочестѣ́вых мужѣ́й бы́ти, о́вых у́бо обѣтели стро́ити благослови́вый, о́вым потре́бная подава́я, ины́ же Христа́ проповѣдати посыла́я, блаже́ннаго же Васи́лиа Моско́вскаго свои́ма рука́ма погребсти́ сподо́бивыйся, с ни́миже моли́ спастѣ́ся душа́м на́шим.

Святителю́ о́тче наш Мака́рие, моли́ Бо́га о нас.

Всем о́браз ве́ры и воздержанія яви́лся еси́, о ста́де Христо́ве попече́ние неле́ностное имѣя, Моско́вскаго первопресто́льнаго гра́да и всея́ Росси́йскаго земли́ утвержде́ние, Мака́рие боголю́биве, моли́ спастѣ́ся душа́м на́шим.

Слава: Трои́цкия обѣтели настоя́теля высо́ким са́ном почти́л еси́, поста́вив ю́ превы́ше всех, те́мже любо́вь к Серге́ю Преподо́бному показáл и гряду́щая святы́я обѣтели предначертава́я. Мы же, святителю́, дивя́щися твоѣ́й премудро́сти, взыва́ем: моли́ спастѣ́ся душа́м на́шим.

И ныне: Лѣствице Небе́сная и Голуби́це неземна́я, вси ро́ди ве́рных согла́сно Тя ублажа́ют, я́ко Богоневѣстную Ма́терь Христа́ Бо́га на́шего.

Го́споди, поми́луй (трижды). Слава, и ныне:

Кондак, глас 3-й

Богому́дрым уче́нием и кни́жным списа́нием, потща́лся еси́, святителю́ Мака́рие, лю́ди росси́йскаго просвети́ти и святы́х земли́ на́шея просла́вити. Сего́ ра́ди чу́ден пронарече́ся, преѣмниче первопресто́льников росси́йских, моли́ сохра́нѣтися нам в ве́ре и благоче́стии невредѣ́мо.

Икос

Павлову словеси поревновав, святителю Макарие, песньми почтил еси российских пастырей, учителей и наставников, приснобдящих пред Престолом Небеснаго Царя о нашем отечестве, с нимиже радуясь ныне, моли Христа Бога сохранитися нам в вере и благочестии невредимо.

Песнь 7

Ирмос: В пещи авраамстии отроцы персидстей, любовью благочестия паче, нежели пламенем, опаляеми зываху: благословен еси в храме славы Твоея, Господи.

Святителю отче наш Макарие, моли Бога о нас.

Вредная и пагубная еретических шатаний соборне осудил еси, святителю Христов, всех же православных в вере в Троицу Единосущную укрепил еси, пред святыми иконами воспевающих: благословен еси в храме славы Твоея, Господи.

Святителю отче наш Макарие, моли Бога о нас.

Изнесе ты, святителю, земли Русская поборника веры и благочестия, ревнителя отеческих преданий и утверждений, да научиши нас зывати: благословен еси в храме славы Твоея, Господи.

Слава: Смирен, кроток и милостив был еси, святителю, отроча кровом обретаяся и совершен быв разумом. Мы же, дивящися твоим добродетелем и подвигом, зываем: благословен еси в храме славы Твоея, Господи.

И ныне: Яко едину преестественно паче человека благодать во Твою утробу приемшую, без нетления нетленно рождшую Христа Бога нашего, присно Тя славим.

Песнь 8

Ирмос: Руце распостер, Даниил львов зияния в рове затче; огненную же силу угасиша, добродетелию препоясавшися, благочестия рачители, отроцы, зывающе: благословите, вся дела Господня, Господа.

Святителю отче наш Макарие, моли Бога о нас.

Пение сие наше скудное и похваление недостойное прими,

чудне Мака́рие, да не вотще́ взыва́ем к Престо́лу Всеви́шняго: благослови́те, вся дела́ Господня́, Го́спода.

Святите́лю о́тче наш Мака́рие, моли́ Бо́га о нас.

Вели́кая дея́ния тво́я о прославлéнии святы́х и просвещéнии наро́да ру́сского подвиза́ют, досточудне Мака́рие, нас немол́чно пе́ти Бо́гу: благослови́те, вся дела́ Господня́, Го́спода.

Слава: Похвалу́ велику́ю Бо́гу воздал еси́, всеблаже́нне, о просвещéнии неверна́го гра́да Каза́ни, ему́же святите́ля Гу́рия поста́вил еси́, те́мже ру́сстии лю́дие о тако́вэй Бо́жией ми́лости ра́достью возопи́ша: благослови́те, вся дела́ Господня́, Го́спода.

И ныне: Чудно́му благовещéнию удиви́ся Пречи́стая Де́ва, неискусому́жному Рожде́ству́ Ея́ возра́довахуся па́стырие, собо́ри ве́рных дивя́тся успе́нию Ея́ сла́вному, вопи́юще: благослови́те, вся дела́ Господня́, Го́спода.

Песнь 9

Ирмос: Ка́мень неруко́сечный от несекóмыя горы́ Тебе́, Де́во, краеуго́льный отсече́ся, Христо́с, совокупивы́й разстоя́щаяся естества́. Тем, веселя́щися, Тя, Богоро́дице, велича́ем.

Святите́лю о́тче наш Мака́рие, моли́ Бо́га о нас.

Мака́рия Вели́каго и́мя носил еси́, его́ жити́ю послéдуя в постé и по́двизех, воздержáнии и крóтости, тем тя, святите́лю, велича́ем (*дважды*).

Слава: Ри́зами погребáльными оде́яну и на сме́ртнем одре́ ти лежа́щу, собо́р наро́да мно́жества, ви́девше тя не я́ко ме́ртва, но спя́ща, лик же твой, я́ко све́том, сия́ющ, удиви́шася и сла́ву возда́ша всеси́льному Бо́гу, прославля́ющему уго́дники Сво́я.

И ныне: Ю́же иногда́ Иа́ков ви́де, чудную ле́ствицу, от земли́ просте́рту к небе́сней высоте́, испове́даем Тя, Пречи́стая Богоро́дице: Тобо́ю бо земна́я и Небе́сная о́бщницы яви́шася.